

# Spennandi að sjá hverju andi Guðs mun koma til leiðar

- framhald af viðtali við sr. Guðmund Karl og sr. Guðna Má

**Sunnudagsmessurnar hafa verið sérstaklega vel sóttar í haust, finnið þið fyrir því að fólk sæki í ríkari mæli hughreystingu og uppbyggingu í trúna?**

**Guðni Már:** Utanaðkomandi aðstæður hafa opnað augu margra fyrir að það borgar sig að taka andann fram yfir efnið, margir hafa kannski séð að vonin, trúin og kærleikurinn er traustara haldreipi en efnislegir hlutir. Kærleikurinn fellur aldrei úr gildi og spyr ekki um hversu mikið er í pyngjunni.

**Guðmundur Karl:** Í raun er erfitt að meta hvað veldur þessari góðu fjölgun. Hvort það er kreppan eða eitthvað annað og meira. Mögulega er að eiga sér stað vakning meðal þjóðarinnar. Hún fer frekar hægt og hljótt af stað en ég er spenntur að sjá hverju andi Guðs mun koma til leiðar.

**Nú verður hluti Lindakirkju tekinn í notkun eftir nokkra daga, sjáið þið fyrir ykkur að safnaðarstarfið taki einhverjum breytingum í kjölfarið?**

**Guðmundur Karl:** Augljóslega mun margt breytast. Ég hef stundum orðað það þannig að breytingarnar verði svo miklar að trúlega verði þetta eins og að skipta um starf. Aðstaðan í Lindakirkju er ákaflega vel hugsuð og útfærð

af arkitektum kirkjunnar, þeim Sigríði Halldórsdóttur og Árna Friðrikssyni og ég hlakka til að starfa innan veggja þessa húss.

**Guðni Már:** Það verður mikill munur þegar safnaðarstarfið rúmast undir einu þaki. Auk þess býður þessi góða aðstaða upp á ný tækifæri.

**Þegar adventan og jólahátíðin ganga í garð er kirkjan í meiri forgrunni en venjulega. Er öðruvísi að vera prestur á jölunum en á öðrum tímum ársins?**

**Guðmundur Karl:** Nei, en jólin eru ólík öllum öðrum tímum ársins. Á sínum tíma, þegar ég annaðist jólahelgihald í fyrsta skipti sem prestur fann ég fyrir miklum breytingum á mínum högum. Jólin fengu annan blæ en áður og fyrstu árin saknaði maður þess að geta ekki slappað meira af yfir hátíðarnar. Nú er helgihaldið orðið ómissandi þáttur í jólahaldinu og maður er farinn að njóta þess að þurfa hreinlega, starfsins vegna, að íhuga og boða fæðingu Guðs sonar hver jól.

**Guðni Már:** Ég hef ekki beina reynslu af þessu ennþá, en það er klárlega meira að gera og staða kirkjunnar í íslensku samfélagi endurspeglast kannski best í mikilli og almennri þátttöku í helgihaldi jóllanna um allt land. **ÁJ**



## Jólasúpusamvera

**Eldri borgarar athugið!**

**Síðasta súpusamvera ársins verður fimmtudaginn 11. desember kl. 12:00 í Glaðheimum við Álalind Dýrindis súpa og óvæntir jólagestir.**



## Í LINDAKIRKJU ANNAN Í JÓLUM

**- KEITH REED  
- HYMNESKA KÁNTRYSVEITIN HIRÐARNIR  
- KÓR LINDAKIRKJU**

## ALFA NÁMSKEIÐ

hefst í Lindakirkju miðvikudaginn 14. janúar 2009

sjá nánar á [www.lindakirkja.is](http://www.lindakirkja.is)

Skráning í síma 544 4477 eða á netfangið [lindakirkja@lindakirkja.is](mailto:lindakirkja@lindakirkja.is)



## KIRKJUVÍGSLA

Sunnudaginn 14. desember kl. 17 mun biskup Íslands, hr. Karl Sigurbjörnsson, vígja fyrsta fullbúna áfanga Lindakirkju. Um er að ræða safnaðarsal, sem hýsa mun helgihald safnaðarins næstu árin, en auk hans verða teknar í notkun skrifstofur safnaðarins, samtalsherbergi og æskulýðsstofa. Hafist var handa við byggingarframkvæmdir í september á síðasta ári.

Ljóst er að þessi fyrsti áfangi mun bæta aðstöðu safnaðarstarfsins verulega. Frá stofnun, árið 2002, hefur nánast allt safnaðarstarf farið fram í Safnaðarheimili Lindasóknar við Uppsali. Það hús hefur ýmist verið uppfært *Húsið á sléttunni* eða *skúrinn*. Þó að kirkjan verði tekin í notkun mun gamla safnaðarheimilið gegna sínu hlutverki áfram fyrir söfnuðinn sem kirkjusel á Vatnsenda. Allt helgihald yfir hátíðarnar verður í Lindakirkju, ýmist í safnaðarsalnum eða kirkjuskipinu, sem ekki hefur enn verið rykbundið, en verður upphitað og notalegt. Segja má að rýmið, eins og það er nú, hrátt og einfalt, ætti að geta fært kirkjugesti nálægt anda hinna fyrstu jóla.

Vígsludaginn 14. desember verður opið hús í Lindakirkju fyrir gesti og gangandi frá kl. 13-16. Vígsluathöfnin hefst, eins og áður sagði, kl. 17. Prestar safnaðarins, þeir Guðmundur Karl Brynjarsson og Guðni Már Harðarson, munu þjóna við athöfnina ásamt biskupi, Kór Lindakirkju leiðir safnaðarsönginn undir stjórn Keith Reed, en Helga Magnúsdóttir sópran syngur einsöng. Við hvetjum sóknarbörn til að fjölmenna í vígsluathöfnina en bendum á að pláss gæti verið takmarkað. En þröngt mega sáttir sitja.



Lindakirkja að kvöldlagi. Tölvuteikning: ASK arkitektar



## SPURT Í SUNNUDAGASKÓLANUM

**Hvers vegna höldum við jól?**



**Daniel Orri 3 ára**  
Jesús fæddist.



**Svanborg Lilja 3 ára**  
Bara.



**Kjartan Pétur 4 ára**  
Þá verður jólakaka og allir fara að skreyta og svona.



**Júlía Líf 3 ára**  
Vegna þess að Jesús fæddist á jölunum.

# MOLAR ÚR SAFNAÐARSTARFINU

## Barna og unglingastarfið í miklum blóma

Samstarf KFUM og KFUK og Lindasóknar um barna og æskulýðsstarf hefur gengið afar vel nú í haust sem endranær en starfið fer fram í 4 mismundandi deildum og hefur aðsókn verið góð í þær allar. 10-12 ára starf fyrir drengi fer fram á þriðjudögum kl. 15:30-16:30 en 9-12 ára stúlkur hittast á föstudögum kl. 15:00-16:00. 8. bekkingar hittast á þriðjudagskvöldum frá 20:00-21:30 og 9.-10. bekkingar hittast á sunnudagskvöldum frá 19:30-21:00. Myndin hér til hliðar var tekin á KFUK fundi nú í haust. Á bilinu 50-70 stúlkur mæta á hverjum föstudegi í safnaðarheimilið og láta sér í léttu rúmi liggja þótt oft sé þröngt á þingi.



## Svipmyndir úr fermingarferð í Vatnaskóg



Ljósmynd: hag

## Jólafondur á fyrsta sunnudegi í aðventu

Fyrsta sunnudag í aðventu var haldið í skemmtilega hefð sem skapast hefur hér í Lindasókn. Í stað hefðbundinnar guðspjónustu var haldin stutt helgistund við aðventukransinn kl. 11 í Salaskóla.

Eftir það var tekið til óspilltra málanna að fönndra fyrir jólin. Undir hljómaði ljúf jolatónlist og á boðstólum voru piparkökur, safi og kaffi. Aldrei hafa fleiri mætt á jólafondur Lindasóknar eða tæplega 240 manns á öllum aldri. Margir gáfu hluta af fönndri sínu til kirkjunnar og verður það notað til skreytinga í Lindakirkju nú um jólin.



## Spennandi að sjá hverju andi Guðs mun koma til leiðar

-segja þeir sr. Guðmundur Karl Brynjarsson og sr. Guðni Már Harðarson



Safnaðarstarfið í Lindasókn hefur verið í stöðugum vexti og aukist enn frekar það sem af er þessum vetri. Í Lindakirkju starfa tveir prestar, sr. Guðmundur Karl Brynjarsson, sóknarprestur og sr. Guðni Már Harðarson, sem tók til starfa 1 september síðastliðinn. Ástríður Jónsdóttir tók prestana tali.

Lindasókn er stór sókn og eflaust löngu tímabært að hér þjónuðu fleiri en einn prestur. Hvernig hefur ykkur gengið að starfa saman þessa fyrstu mánuði?

Guðmundur Karl: Þótt fjöldi sóknarbarna í Lindasókn hafi fyrir löngu verið nægur til að bæta við öðrum presti þá hafa aðstæður ekki boðið upp á það fyrr en nú. Nánast frá upphafi hefur það verið skoðun bæði mín og sóknarnefndar að ekki ætti að bæta við presti hér fyrr en viðunandi starfsaðstaða væri komin fyrir hann. Í ársbyrjun var farið þess á leit við biskup að bætt væri við stöðu prests í Lindasókn. Hann hafði þá þegar ráðgert að auglýsa stöðuna lausa til umsóknar á miðju ári.

Guðni Már: Þetta hefur verið afar ánægjulegur tími, hér er mikið starf unnið og ýmislegt að setja sig inn í, mörg ný andlit og uppákomur sem maður kynnist í safnaðarstarfinu. Starfsandinn er mjög góður hjá okkur Guðmundi Karli, Keith Reed og Þór Bínó sem nú leysir Sigríði kirkjuvörð af. Við Guðmundur Karl göngum í takt í safnaðarstarfinu og ég held við veitum hvor öðrum innblástur og betrubætum hugmyndir hvor annars.

Guðmundur Karl: Það er alveg ljóst að þjónusta prests við Lindasókn breytir miklu og á allan veg til batnaðar, bæði fyrir mig og ekki síður fyrir söfnuðinn. Þjónusta prests í Lindasókn er ekki til þess eins að dreifa starfsálagi heldur fyrst og fremst til að auka slagkraftinn í safnaðarstarfinu. Ég er afar ánægður með að fá svona góðan prest við hlið mér og það er afar mikilvægt að við höfum, eins og Guðni sagði, svipaða sýn á boðun


orðsins, helgihaldið, fræðsluna og annað sem tilheyrir safnaðarstarfinu. Annað sem er mikilvægt fyrir presta sem starfa í sömu sókn er að hafa trúnað hvor annars.

Safnaðarstarfið hefur verið gríðarlega öflugt og margir sem taka þátt, er eitthvað sem stendur upp úr hjá ykkur?

Guðmundur Karl: Ég er fyrst og fremst þakklátur fyrir þann mikla auð sem býr í öllum þeim sem leggja hönd á plóg í safnaðarstarfinu hvort sem það heitir sunnudagaskólustarfi, sóknarnefnd, meðhjálpastarfi, kórin eða byggingarnefnd, svo eitthvað sé nefnt. Allir vinna af heilum hug og Lindasókn hefur notið mikillar blessunar því að hér hefur safnast margt hæfileikafólk til starfa.

Guðni Már: Ég tek undir það. Ég held að fólk geri sér ekki grein fyrir hversu margir taka þátt í starfinu hjá okkur. Í hverri viku koma vel á annað hundrað börn í KFUM og KFUK starfið, messusóknin hefur verið mjög góð, 130 fermingarbörn sækja fræðslu hjá okkur. Ekki má gleyma starfinu fyrir eldri borgara og kirkjukórinn blómstrar hjá Keith Reed um þessar mundir. Svo eru ýmsar nýjungar í farvatninu. Eftir áramót hefst nýtt Alfa námskeið en næsta haust verður boðið upp á hjóna-Alfa þar sem Marteinn Steinar Jónsson kennir með okkur.

Framhald á næstu síðu



# Leturprent



kemur við sögu á hverjum degi

# Adventa og jól í Lindasókn

## 14. desember. 3. sunnudagur í adventu - KIRKJUVÍGSLA

Kl. 11:00 Síðasta guðsþjónustan og sunnudagaskólinn í Salaskóla.

Kl. 13:00-16:00 Opíð húsi í Lindakirkju.

Kl. 17:00 Biskup Íslands, hr. Karl Sigurbjörnsson vígir safnadsal Lindakirkju.

Kór Lindakirkju leiðir safnadsöng undir stjórn Keith Reed organista.

Einsöngur: Helga Magnúsdóttir.

Prestar safnadarins þjóna ásamt biskupi við vígsluna.

## 21. desember. 4. sunnudagur í adventu

Kl. 20:00 FÖGNUM KOMU LJÓSSINS! Adventukvöldvaka í Lindakirkju

Fram koma: Kór Lindakirkju ásamt Keith Reed, Matti Sax og Áslaug Helga,

Regína Ósk Óskarsdóttir ásamt öðrum.

## 24. desember. Aðfangadagur jóla

Kl. 16:00 Jólalund fjölskyldunnar. Kór Salaskóla syngur undir stjórn Ragnheiðar Haraldsdóttur, Jólaguðspjallid verður lesið og hver veit nema að kunnuglegir gestir úr sunnudagaskólanum láti sjá sig. Í lok stundarinnar fá börnin lítinn jólagladning frá Lindasókn. Prestar safnadarins þjóna.

Kl. 18:00 Aftansöngur. Kór Lindakirkju syngur undir stjórn Keith Reed.

Einsöngur: Erla Björg Káradóttir. Trompet: Steinar Matthías Kristinsson.

Sr. Guðmundur Karl Brynjarsson þjónar.

Kl. 23:30 Miðnæturmessa. Kór Lindakirkju syngur undir stjórn Keith Reed.

Einsöngur: Hulda Björk Gardarsdóttir.

Sr. Guðni Már Hardarson þjónar.

ATH - Allar guðsþjónustur á aðfangadag fara fram í kirkjuskipi Lindakirkju.

## 25. desember. Jóladaur

Kl. 11:00 Guðsþjónusta í Safnadsalnum. Sr. Sigurjón Árni Eyjólfsson, héraðsprestur þjónar.

Organisti: Helga Þórdís Guðmundsdóttir.

## 26. desember 2. í jólum.

Kl. 11:00 Sveitamessa í Lindakirkju kl. 11:00.

Hátíðleg jólaguðsþjónusta í country og western stíl. Tónlist er í höndum Keith Reed, en auk hans koma fram Kór Lindakirkju og Hymneska kántríhljómsveitin Hirdarnir.

Sr. Guðmundur Karl Brynjarsson þjónar.

## 28. desember. Sunnudagur milli jóla og nýárs.

Kl. 11:00 Guðsþjónusta. Félagar úr Kór Lindakirkju syngja undir stjórn Keith Reed.

Barn verður borið til skírnar.

Sr. Guðmundur Karl Brynjarsson þjónar.



# Lífandi vatn

Fréttabréf Lindasóknar - 1. töl. 6. árg. 2008



## MEDAL EFNIS

- Vígsla Lindakirkju
- Viðtal við prestana
- Æskulýðsstarf í blóma
- Ný heimasíða
- Dagskrá adventu og jóla
- Spurt í sunnudagaskólanum
- Sveitamessa á annan í jólum

ADVENTA OG JÓL 2008

## Lifandi vatn

Ritnefnd: Ástriður Jónsdóttir, Guðmundur Karl Brynjarsson og Guðni Már Harðarson.

Ljósmyndir: Haraldur Guðjónsson og fleiri.

Fréttabréfið er gefið út í 5000 eintökum og dreift á öll heimili í Lindasókn.

Ábyrgðarmaður: Guðmundur Karl Brynjarsson

### Ný og betri heimasíða

Heimasíða safnaðarins tók miklum stakkaskiptum nú í haust með nýrri ásýnd og auknum upplýsingum. Það voru hjónin Ragnar Antoniussen og Ásta Beck sem áttu frumkvæði að breytingunum, hönnuðu og forrituðu heimasíðuna og gáfu vinnu sína við hana. Þeim eru hér með færðar kærar þakkir og hvetjum við alla til að fara inn heimasíðuna [www.lindakirkja.is](http://www.lindakirkja.is) til að fylgjast með því sem er á döfinni í safnaðarstarfinu.



# Friðarljós

loga vel og lengi  
og þú styður fólk  
til sjálfshjálpar

Hjálparstarf  
kirkjunnar

## Blóm er list

blóm og gjafavörur

Núpalind 1, sími 564 1199

## Prestur í Lindasókn

Í júní síðastliðinn var sr. Guðni Már Harðarson valinn til að gegna embætti prests í Lindasókn frá og með 1. september síðastliðnum. Sr. Gísli Jónasson, prófastur setti hann formlega í embætti í byrjun októbermánaðar.

Guðni þjónaði undanfarin 3 ár sem skólaprestur og framkvæmdastjóri Kristilegu skólahreyfingarinnar auk æskulýðsstarfa fyrir KFUM og KFUK.

Guðni er kvæntur Ásdísi Björnsdóttur og eru þau búsett í Kópavogi ásamt tveimur börnum sínum, þeim Nóa Pétri 3 ára og óskírðri dóttur sem fæddist 29. nóvember síðastliðinn.

Um leið og við óskum hjónunum til hamingju með dótturina þjóðum við Guðna velkominn til þjónustu við Lindasókn.



## Vandvirkni er okkar markmið

Það er vandfundið það verkefni í mannvirkjagerð sem **ÍSTAK** getur ekki leyst.

Með vel menntuðu, hæfu og reyndu starfsfólki, fjölbreyttum tækjakosti, stórvirkum vinnuvélum og flutningatækjum, eru okkur allir vegir færir.

Fjöldmargar kirkjur innan lands sem utan, bera vitni um traust vinnubrögð **ÍSTAKS**.

**ÍSTAK**

ÍSTAK hf. · Engjateigi 7 · 105 Reykjavík  
Sími 530 2700 · Bréfsími 530 2724  
[istak@istak.is](mailto:istak@istak.is) · [www.istak.is](http://www.istak.is)

IBWA/REYKJAVÍK, ÍSÁ